

亦有生齋集

亦有生齋集詩卷第四

武進 趙懷玉

古今體詩

元默執徐上

題程孝廉炎詩後

君山山畔飛寒霰千里澄江淨如練置酒城東高館中此時  
初識程君面程君風格頗矜持蘭茝交情肝膽知綠酒已寒  
還射覆彩箋分擘更拈詩詩名一夕傳江左下筆人驚珠顆  
顆鸚鵡才華共妬君鸛鵒寓託空憐我明年  
天子蒞江鄉競握隋珠鬪夜光花雨江頭迎  
翠葆弓刀隊裏奏長楊

詔令白下承親試嚴樂淵雲趨盛事邀值清溪聽度歌采蘭  
晴日同修禊匆匆席帽入歸舟負負俱憐汗漫游一片冰心  
何處託六朝山色對人愁從此星霜更幾度龍山鶴市分頭  
住執手曾無信宿歡寄書動作參辰誤人海歸來不染塵西  
風重平樂游春竟虛水榭連尊讌還問匡牀多病身

庚寅秋  
余病白

門君曾  
過訪

差喜故人原未死看君倏掖扶搖起眼底雲龍跡已

然夢中蕉鹿心徒爾君今讀禮又經時燧火頻鑽歲序移尙  
有故人畱稼圃盡看同學到輕肥今日尊前重接郛酒酣更  
索題新筆居然怪體薄元和直補雅歌追東哲春宵又泛虎  
邱船十載論交回首聞珍重長畱詩卷在莫將榮樂易名山  
送沈秀才雲尊之粵西

支硎山下酒逡巡，便當離筵送遠人。  
到日正逢灘水瘴，晤時好訂薊門春。  
秀才訂甲午都中相見瘦腰偏耐三秋感，短褐重勞萬里身。  
我亦江湖倦游客，莫將辛苦話風塵。

代書三十二韻寄洪大

禮告

采石磯頭水深情，託鯉魚憶從與子別。  
經歲冷香廬蹤跡，登樓日才名入洛初。  
一朝投薛卞，上客重應徐。牛渚宵乘月，龍山曉駐車。  
把杯呵白也，擊劒慕相如。用貴豐年玉，文譏博士  
驢。已高材館錄，不忘故人書。雅有賢爲耦，謂仲深知經可勸。  
惇惇追古處，款款念相於。親懿三傳後，滄桑百感餘。  
烏衣門幾易，馬鬣願猶虛。清白天遲報，艱難志早儲。  
此身關絕續，舊德在菑畲。學術勤匡鼎，巖泉著幼輿。  
結根知夙固，有性獨能

撫春草遙通夢慈雲老倚闌定僥遊子戀可許別愁除念昔  
追攀久長時車馬疎奉親能作黍延客但烹蔬似阮顓穿屐  
非溫怪絕裾交偏多杵曰藻每揆瑛琚覆酒誇中聖抄詩付  
小笥寒燈連榻雨春水小舟漁贈答同形影行藏任毀譽衆  
中應妬汝世外獨憐渠爲客逢多病傷秋慰索居風塵消日  
月骨幣辨龍豬鄉鄙羈元叔賓朋媿步舒側身天宇小高臥  
視田墟麥秀風迎夏梅黃月紀余感時兼惜別望遠兩躊躇

龍興寺栢

何年風雨裏帝命謫乖龍共此塵寰古長教煙靄封形成驚  
罔兩節定耐春冬舉世無衰絮凡材一例逢

贈龍城山長翰太史

遜行

白髮神僊老史官木天餘事領騷壇傍門桃李知栽遍下筆  
陽秋欲到難舊夢每依

雙闕遠名山竟住卅年寬不因得見韓陵石

太史工古文辭

媚俗人

爭學繡鞵

七月十八夜集艤舟亭分得鞵字

一棹夕陽低到亭蟬正歇池寬足秋氣螢亂散林樾不知藕  
花開微聞暗香發賓朋此言歡景光安可忽攜榼借虛館停  
觴遲明月月升萬象沈倒影動樓闕珠光瀉蓮葢露氣明石  
髮延爽愜披襟坐石先解鞵醪醇一以勸韻險三而竭雲漢  
赫秋曦城市困塵窟茲來如隔凡無風能抔喝大地多清涼  
良緣每壅闕明朝諸子去川路邈難越

時同人多有遠行者

及後尙相

思定如各含噦坐久滅談諧尊空罄殺核歸舟待前汀斜蟾  
斗邊沒

題松崖圖爲管大編修

幹珍

部婁不生千尺樹蒲柳不受三秋霜丈夫本性要有託鬱鬱  
但看蒼官蒼翰林主人古君子烈烈長風李元禮空山雪後  
聞清琴滿座客來揮麈尾衡門憶昔俱蓬蒿枝卑未敢因人  
撓有時閒作不平氣往往萬斛生悲濤豈知偃蹇深年月紫  
鱗帶雨潛離窟此松本是百木宗不守嚴阿守宮闕居然無  
改凌霄姿萬間梁木惟人施楨楠雖貴不適俗桃李有已空  
矜時玉堂花發春雲熱珠玉揮毫墨光潔金蓮照院月當空  
記否當年夜然節讀禮歸來拚三徑磐桓更撫霜柯勁去時

十尺今十圍老龍鱗甲形端正說經依舊魯諸生石渠虎觀  
非其榮自有咳蘭懷東哲不教書帶讓康成竭來教授鳩江  
上陸璣作疏粘含狀寄書朋舊各天涯問字生徒滿前帳驚  
心燧火流光徂扁舟又復辭孤蘆知君要存真面目瀕行更  
作松厓圖擲筆沉吟憶前度青髻朱顏可如故祿米應傷彼  
妃登煙濤又向秋江渡歲壬午爲君題江天  
賦此秋江曉渡二圖直氣森森好自  
伸未寒那得歲長春把圖若念支離我猶是風塵東北人

### 送管大

秋風到庭隅林意自蕭瑟午樹雲漢憂一洗器塵積頗復感  
搖落因茲悵離隔故人于湖歸情懷共軒闢置酒黃葉中張  
燈白露少平原十日飲步兵幾兩屐相從正言歡爲別忽嫌



追驪歌發當筵綠酒勸征客酒盡更畱行言深共追昔歲在  
乙戌間兩爲燕趙役君時在金臺我幸比鴻迹健詩列雙營  
酣酒鬪交戟長從燕市游高岸華陽幘書臨乞米顏劍學敵  
人籍聽雨打頭牀攜尊對街宅爲時春徂夏得友一當百我  
恒困蒲儺君旋上樞掖別愁江淹賦行贈繞朝策蹉跎三年  
心奮迅萬里翻君因讀禮歸又驚燧火革負米感風木

旌門煥坊額

爲太夫人苦節請旌

春秋泣栢捲身世繫宗祏錫類降

鸞章寵光賁泉窆報劉心曷窮似杜書成癖傷哉管子貧榮  
矣戴憑席載酒徧鳩江擔簞滿采石田園媿獨羈風義少所  
益心期貴斷金日月驚過隙遠書勵不朽浮蹤任遷易頃歸  
客寒暄告我几杖適名山當搜羅一一傾瓊璧示我鄭公牋

不減謝氏釋奇味有獨茹異境矜創獲敷辭禁從同監義宣

尚僻世人拾牙吻甘之如膾炙夫我棄如遺知者慎所擇通

經貴致用布指卽知尺他年講闡中基此堯舜畫餘事逮風

騷芳潤漱羣液學深多見道氣靜自含澤樂府擅古今元音

絕彈拍

君有明史樂府

眼高三百年手握春秋責原心每以寬取事

多於窄論列及旤養闡揚到巾幗筆豈借風雲言皆歸粟帛

傾囊一快讀撫卷更添惜如腸飮膏梁如目眩金碧如謀問

食其如力用椒亦讚歎得未曾文章斯有赫噫余屏堆黃一

室守虛白不知鳳閣書久拋兔園冊袞袞任金張落落嗤季

別人憐白鷗閒病過黃楊厄漸恐失其真愧無應君索況茲

朋簪遂誰念形影隻涼秋下繁霜薄裝戒修陌月影竹西船

笳聲京口驛浪排黃河濬雲盪泰山脊團團聚親疎跋涉勞  
筋脉追陪有何甥謂屠秀才珂談笑壯陰魄山河隔形骸出處共  
肝鬲行矣尙勉旃歲寒有松柏

秋懷寄蔣民部

熊昌

井梧葉葉墜庭除秋氣偏深百感餘窮海交游書問闊衡門  
風雨世情疎倦軀未蠟登山屐往事頻驚下坂車莫道緇塵  
笑潘岳此心早欲賦閒居

云仕任移南北轍棄憐分傍短長檠初心易置遲聞道多病  
難安學養生詩筆已成荒草冢酒人誰證野鷗盟寒菴何事  
肯征苦著意空堵訴不平

滄波歲晚冷漁竿豈省清名重握蘭官是川郎台題柱人非

貢禹敢彈冠江鄉回首拋三徑兄弟論才過二難猶有故交  
頻枉問嬾將名姓達長安

呂蒙城下記將離又是蘆洲月暎時祿位祇爲娛母計雅南

不廢抱衾詩

時君方迎  
姬人北上

西山爽氣朝迎騎東閣明燈夜把卮

除卻髯翁程吏部

文選  
晉芳

近來風義幾人知

### 九日雨中坐堦影山房

隨例登高吾亦嬾禪房幽處且經過幾人小住塵埃外自古  
重陽風雨多孤塔影懸虛壁動疎鐘聲度野雲和東籬今歲  
無消息閒殺空庭優鉢羅

海陽高秀才

邁林

以醉後自訟詩見示疊韻

好記荀卿酒亂神何妨頻試甕頭新王公不損眞學士徐邈

每稱中聖人消萬古愁惟賴汝飲無算爵豈依巡狂名我負  
高陽客麴蘖詩書媿餒貧

當筵九吐孰稱神

酒席之上九吐而不減其量者爲酒神見海錄碎事

杯勺休孤綠蟻

新大戶任誇無量飲廣場生怕獨醒人拍浮畢卓身何戀茗  
芋山公日幾巡病起正逢籬菊綻十千沽到莫辭貧

喜徐舍人

步雲

自新疆赦歸

蒼黃萬里西行日我正悲秋病薊門容易五年成短別最難  
八口尚俱存征衣未浣冰天淚叢菊仍開故國柵從此補羅  
江上佳著書歲月總

君恩

題錢八進士

璟遺照

浮雲無常態流水無停奔故交日以稀新知日以紛墳荒樹

畱劒槩碎牀生塵古人久不作吾道今安存吁嗟錢進士風

義師友敦死生成契闊想像勞心魂幾度夢君來執手殊遠

巡君歿後數數見於夢中梁空慘無色月落難畱痕歲暮正閒居剝啄

聞叩門諸郎翩翩來向我切切陳攜君揮豪圖丐我題一言

披圖增重感夙昔敢具論兩家本世好舊誼在紀羣先侍讀與尊大

父綱菴君尊甫介與余忘年交一見尤諄諄文章勗根柢吐

屬成經綸特識中園綺君嘗論四皓之事實出於漢高眼光

射典墳勝朝三百載掌故歸斯人君精明史得閒惟好奕乘興還

開樽過從每忘倦晤對何嫌頻時時見真性語語思衰親有

母不願仕得天孰共尊雖當門第盛常恐時命屯流謙自逢

吉知幾是爲神憶余鴛湖歸值君初度辰

庚寅七月君五十壽

君時僅

小惡我迺遽辭君勿勿拜牀下泛泛循江濱秦淮秋氣肅索

處離愁新三日忽不汗促裝返柴門豈知永參商空復讐乾

坤

君捐館後七日予自白門病歸

經今寒暑易但有夢寐勤長髯猶一拂苦

語聲常吞交道盡如斯異路安可分此圖作已久粉本聊傳

真杏花千萬樹仿佛燕臺春君愛醉中禪微笑思前因音容

既漸杳歲序亦易淪明年二月初聞君安窆竈頗能誌遺行

焉敢辭無文爲君表諸石庶幾人不湮況有後起者雲浪濤

鵬鯨泉下誠有知何用多悲辛殘雪映虛白寒燈耿黃昏百

感莫能釋一語還重申佳木在滋培良田務耕耘毋忘明德

後敬勉期來昆

昭陽大荒落上

病後友人招飲卽席作

時歌者十二人

病餘餘興寄檀槽緩聽清歌淺酌醪月月好花都看遍不知  
若箇是櫻桃

蔣上舍

騷昌

招同家觀察

翼

莊明經

所

吳門泛舟

故人攜酒獨殷勤問水尋巖到夕曛座上客如王內史畫中  
山似李將軍浮名商畧誰千古勝日芳菲已十分莫道春游  
容易合年來多半是離羣

山中晚行

眠色台諸峯寒濤起萬松籃輿行得得翠巘歷重重不辨雲  
中塔微聞煙際鐘擬投山寺宿侵曉更扶筇



三月十六日同人游峴山用顏魯公石尊聯句韻

城南山一簣有石窪成尊桐鄉朱方藹典郡風雅擅留賓蹤  
跡存石門方薰亭空挹嵐翠碣損纏落痕懷王登臨緬芳躅  
往來多高軒桐鄉金德輿我儕踐夙約古懽本素敦方藹結  
尻歷縈紆聯臂騰笑言薰隆隆起地脉兀兀排雲根懷玉時  
光眉插柳野祭齊宰孫德輿聳岩巖臺榭繡錯落郊原方藹  
鴈齒排石磴龍鱗表松門薰叔子蹟妄託長公詩誰論懷王  
築堂記五逸挂瓢思一元德輿懸崖樹影倒挂壁藤花飜方  
藹玉湖森春浪紺塔明朝曠薰樸邀走且駛鈎輦啼何喧懷  
王草茵坐除客蘭塚埋羈魂山有馮貞卿  
侍兒明霞墓德輿貓頭竹筍苗  
兔日槐葉繁方藹九節杖可扶二升榼復援薰地占澤山咸

明筮西南坤懷玉塵土已難浣星辰底須捫德輿放眼碧霄  
併俯首煙霞屯方謁同抱向平志詎戀仲蔚園薰嗜奇探巖  
壑適俗辭籠樊懷玉圖經載行笈名勝停徵轡德輿似木必  
摩頂如水須尋源方藹續游期後日言歸指前村薰雅聲亂  
薄暝漁火明初昏懷玉修坂步履坦惠風披衣溫德輿時和  
兼境妙大哉造化恩方謁

石蒲齋侍兒明霞墓

在峴山下石蒲齋明湖  
州司李馮可賓書室名

一抔爭醑侍兒墳畫竹猶能說使君白鶴峯前峴山下明霞  
贏得比朝雲

飛英塔

一夜神光裏千年劫火中雲雷今失護木石此兼功荒徑遮

春色疎鈴動晚風摩挲殘碣在歲月紀咸通

登卞山望湖亭還憩白雀寺作

春雲濛濛不成雨夾路松杉向風舞寒濤十里濕襟衫空翠  
滿天撲眉宇拖筇入林不厭密隱隱精藍出深塢禪房曲徑  
歷已盡絕巘危亭勇堪賈具區一綫從西來三萬六千同一  
俯風帆點點小於葉遠岫蒼蒼列如堵吳門白馬是耶非不  
盡雲煙靜中取茲山之勝在此亭餘者碌碌安足數山僧笑  
謂公少休丈室清言靜鐘鼓呼童瀹茗汲五龍碧玉甌中味  
如乳盤餐自喜筍觔肥鼎俎反嫌梁肉苦青蓮畢竟空中花  
白雀那同凡鳥羽石林舊業僅一邱玉局遺書尙千古

寺有青蓮

道場額東坡書人生顯晦各有幸眼底湖山誰是主陰晴明日知不

知四面峯頭亂雲吐歸途暝色入高樹樹暗風生疑有虎最  
難忘處是松陰十步不嫌回首五

枯木堂

東坡先生讀書處

僅識讀書處難尋墨妙亭瓣香誰再續陋室尙餘馨水長平  
池綠春來萬木青扶筇一回首山雨晝冥冥

碧浪湖春泛

碧浪湖頭幾往還波光塔影淨塵顏春當盡處家家雨城過  
南來面面山共道今年蝦菜賤誰同此意鷺鷥閒小瀛洲上  
人爭到清遠終應遜此間

登道場山絕頂

昔聞雲峯名咫尺不可見懷此願十年乃識雲峯面春深桃

李稀雨過竹柏菑老僧攜屐偕滑遲扶筇便稍穿雲屈曲漸  
覺峯迴轉崇岡振衣躡四野縱目徧裁裁天目山地脉來一  
綫近蒼蒼共霽爽視昇與弁塔影入青天波光橫白練深林  
夕照微衆壑晴煙卷吾聞浴蠶後士女游爭炫茲來寂不譁  
人棄我則羨昔在五季時干戈事爭戰此邦屬吳越錦衣獨  
畱戀山更道場名寺以真正擅龍象列諸天金碧輝宮殿幾  
經劫灰颺曾否山容變不如緇衣流伏虎猶存院懷古重流  
連卽勝忘勞倦蒼然暮色來亂落寒雲片

僧樓雨宿

暮雨灑叢薄崇巖積重陰言投招提境更宿雲峯岑伊蒲老  
僧具佛火禪堂深鐘魚聲斷空寂候生道心涼雲度虛牖清

夢迴重衾百年浮世願一夕禪牀唵何當謝塵鞅孤賞長山林

曉起冒雨出山

塵心已辭山天意還留屐癡雲嶺未收宿雨林猶積揮手寺僧送回頭上方隔歸途非前境修坦易幽窄昔來旣悔遲今去抑何迫水北二頃田山南一區宅永言素心乖常恐中道畫畦萊尚留黃堊花半餘白明年記此時莫負重游蹟

歸雲莽用前守吳白雪韻

一夜道場風雨五更寒重山家曉過挂瓢堂下海紅滿地餘花

煮茗每同僧話傲他半日偷閑巖泉不知塵劫詩卷長留世

問

昔賢人記五逸此地山收十分一自先生來隱至今塢有留  
雲

策杖又沿歸路可憐彈指春風好境急尋夢裏不然寫向圖  
中時蘭坻作歸雲菴圖

太白山人墓山人本秦人或云安化王孫就昏吳興施氏遂隱于此

曾讀遺詩識性情又從阡陌拜先生縞綦巖壑能偕隱雞犬  
神仙亦近名雲臥更無離岫影泉清總是在山聲墓前猶有  
龍孫竹不與銅駝共棘荆

尋鷗波亭故址

雲水蒼茫鷗鷺寒亭荒何處更悲關一時承旨推三絕千古

傳家說二難甲子縱書非德祐江山怕寫到臨安漫尋蕭寺

夫人竹

天聖寺壁有管仲姬畫竹

已是龍孫伐後竿

### 哭仲姑

吾父同懷妹相依只二人流光驚電露死別判冬春白鶴魂

俱遠黃楊識果真

長姑於庚寅冬歿於京邸歲亦遇閏

邢堪骨肉淚灑盡更沾

巾

愛女教遲嫁無兒莫尉心德修偏靳報天遠竟難諶中道朱絃斷尚堂白髮森彌留無一語遺恨九原深

誰言當境好長伴藥爐過久病開顏少思親入夢多

姑嘗言數夢先

都

轉參苓空屏常和緩竟蹉跎半百年華促真成一剎邢

年年拜牀下此意最殷勤

同堂兄弟中唯余歲必一省起居

豈意兼旬別遂



功在生身集詩卷四 三

成異路分傳言猶未達余自海鹽達桐鄉歷湖州至蘇而得計臨別時惓惓兩親之言尚未達也

惡耗違相問何日安窰夢迢迢海國雲

膽餅供鼠姑一枝色近絳幾半月矣

那管風風雨雨催寒牕夢可戀瑤臺人間富貴誰能久難得

此花十日開

爲湯大令 大奎 題吟秋圖卷子兼送北行

夫君儒雅今宋玉夫君曠達今季鷹秋心長抱人莫識清唱  
忽發誰相磨蘼粥不忘萌舍雨青氈未改寒窗燈十年交我  
如一日意氣時作龍驤騰如君身合置臺省胡貪爽氣西山  
升郎官百里古所重捧檄自喜烹鮮能憶昨同君燕市飲盧  
溝木落桑乾澄送君之官大梁去風雅行繼鄒枚興六年宦

興餘結習好句爭寫葡萄綾嗟余搖落尚如此枯枝應候鳴  
寒蟬人生有心各隨境春悲秋喜誠難憑劫來先後返鄉國  
續好竊附仙舟膺高懷競爽素商節瘦句直追無本僧揮絃  
屢送雲外鴈拂塵散盡盤中蠅奇書一卷樹根畔靜坐半日  
蒼崖層雞林之昏龍尾研解衣盤礴頭髻簪鏤聲繪色造化  
泣白帝不敢藏鋒稜曲肱抱膝幾偃仰明月白露年華增朱  
顏青鬢豈長好急速寫入生絲繒豈知天斲友生樂吟情未  
慙離愁仍春深送子辭蘭陵鴈飛草長花氣蒸綠波南浦一  
爲別登山臨水情難勝椿庭愛日忍輕出黃髮方慶期頤徵  
丈夫適用及強仕投閑未許長田塍況君雅擅治平畧飾以  
經術同臯宏簿領何心事升斗雲濤拭目舉鯢鵬名成莫負

遂初計湖有蓴菜池有菱披圖他日證吾意戴笠友異彈冠  
朋君不見世間萬物貴難歛日永星火陰先乘紛紛熟客方  
大笑夏蟲那得知夫冰

讀書臺

讀書重明哲富貴俱塵埃惜哉朱翁子知不能拚才遙遙千  
餘年身去留荒臺流傳及樵采碑碣橫蒿萊豈無後來者學  
明行亦該聲名盡沒世憑弔無餘哀浩歌憐日暮念此空徘徊

積翠

一場留雲處千層積翠間陂陀林外逕平遠寺中山遊蹟僧  
誇遠寺僧嘗至海外浮生我占閒虛堂遺翰在老樹幾人攀寺有觀樹堂爲

王煙客書詢之寺僧  
云庭前何植娑羅樹

### 拈花寺

誰從五覺證聲聞  
重向拈花了俗氛  
風入松杉常作雨  
門連禾黍正如雲  
百年遺刹興衰異  
幾輩游心靜躁分  
落日平橋歸路晚  
空山何處趙王墳

### 上真觀

靈風吹雨著如秋  
振策穹窿最上頭  
曉闕天清星斗偈  
虛堂雲暗鬼神留  
環吳山色看三面  
入越湖光接數州  
問道仙蹤來往慣  
結廬擬共赤松游

### 立秋日山齋小酌

又向巖泉匝月留  
碧梧初墜火西流  
地多爽氣原無夏  
我有

愁心不爲秋且喜山中窮閱歷漸於方外作朋儔枯腸久謝  
村醪味試坐松陰盡一甌

雙髻菴

環山四十里此逕最偏仄同遊息喘歸我獨褰衣陟有菴隱  
峯巖半爲松陰陞入門得精藍野僧如舊識飲我屣泉茶餉  
我伊蒲食庭前雙老桂疑是淮南植餘樹盡十圍黛色參天  
直晨光送人來不知日之杳太湖蕩餘暉空谷起秋色但求  
雅尚符敢惜疲軀力曳杖還山居此境勞長憶

寄里中諸子

閑蹤近許證緇衣禪榻茶煙得所依共說好龍誰辨假空傳  
相馬但爭肥竹林自有人同調中散何嫌書久稀忽漫關心

秋已到空山林葉與雲飛

寄毛先生

穎士

初日在東井恢台盛炎熱久嫌城市囂頗覺形神忒言游聞  
闔門載訪穹窿穴所思邈河汾寤寐勞契契舍館久栖遲橫  
經乃疎缺高山空在望寸心宛如結好風從東來吹墮瑤華  
屑發函誦琅琅累紙意切切言如矯羣龍氣或奪雌蜺盛意  
感金玉煩懷淨冰雪自憐事般輸未能巧圭紱豈無三隅反  
長思百園絜悔迷途乍返立卓才吾竭吹律陋黽蠃制禮笑  
綿絕衆口互雌黃舉步憂蹉跎祭川必先源虧簣焉成畝寸  
木高岑樓未流憂橫決昧者或相耀達人應見唾先生亮茲  
愚用敢畢其說竭來火西流驚心素商節萬象共難欬遙天

愛寥泚具區湖水平積翠嵐光潔松濤入夢喧法雨經秋冽  
好景成獨賞孤懷渺愁絕可能期信宿同証心香澈

山夜

林喧萬壑聲月碎一窗影心清夢亦稀不待晨鐘省

宜邦寺山茶歌

宜邦寺門畫亦關宜邦寺中樹莫攀蒼官青士帶古色歲月  
總在模糊間獨有山茶老於鐵干霄枝葉何森鬱石闌幾尺  
護周遭云是流傳南宋物穹隆之壤明珠泉栽培那費園夫  
錢結根獨得最高處螻蟻不入精神堅春來聞說花爭放東  
風日暖珊瑚帳寶珠千顆耀紺園別爲空王添色相幾處爭  
看鄧尉梅辛夷又報虎邱開此花冷落爲誰悅殘紅滿地無

人來憶昔臨安支半壁將軍策馬從  
斬國戰袍脫罷著袈裟  
奎章初煥招提額滄桑轉眼等浮雲  
花落花開幾度春誰識  
南朝舊時事山前只有趙王墳  
山僧重爲陳前事萬物逢時  
皆自致可知艸木亦數奇  
巖阿原未甘淪棄往年

翠葆臨江邨一時桃李環宮門  
此花已列有司貢欲移每恐  
傷其根我聞僧語三大息  
貴來方悟希顏色不作春風照殿  
紅曼陀羅更人誰識噫吁嘻  
陽春雨露無私偏蟠結旣久難  
爲遷要須致作梁棟用不然  
宜學擣能全

重九後一日登筓峯絕頂作歌

山神亦怪隨例俗九日忽厭人  
登高飛廉終日作狂勢鵝鵠  
聲咽廢塵逃今朝風和曙色放  
登臨有興吾仍豪軍持不借



擅游具獨樂不若同其曹  
穹隆尋丈那可紀  
結束股腳連睢  
尻迴頭列嶂儼平地  
俯察萬象明秋毫  
太湖稽天若襟帶  
呼吸三郡環周遭  
沙清渚淨鳬鳴喜  
歷歷但見浮漁舫  
決皆直入飛鳥外  
舉足漸與浮雲翔  
蛟龍變化不知處  
潭窟狼籍遺  
漿膏冥搜遠涉跡  
幾徧席地少復紆  
其勞松枝活火汲  
泉煮較量清福吾  
誠饗吾聞茲山實  
吳鎮仙靈往往來  
潛韜赤松茅君兩  
家莫僧龍寺塏紛  
蓬蒿藏軍之洞築  
何代豈有月黑  
聞兵壘湖山穩住  
卽吾土卜居不定  
心翻謫山僧促行  
歸屐晚莫鐘隱隱  
鳴蒲牢

山行晚歸

秋老空山裏  
盤輿夜獨行  
千林移月影  
衆壑助泉聲  
野犬隔

村吠幽蟲夾路鳴  
今宵霜乍緊初覺  
敝裘輕

### 穹隆山五芝歌

句曲芝五品能使身輕清  
良常芝七枚能使心光明  
龍耕象種往往不得遇  
竊而食者其位爲真卿  
吳中福地多巖穴由鍾窮隆稱越絕  
赤松一去數千年此地遂爲衆仙窟  
山高地厚元氣蒸土木貢職青黃凝  
造化不敢秘菌蠢旋成形  
方春始和百卉萌萬有芝五英  
燦然耀曰仙人護之已有年  
道人拾之亦有緣覆以五色之雲濯以雙鄰之泉攜歸置山館  
左右竹栢交新鮮槃邁山房名十笏深而奧等閒未許游蹤到  
亭亭華蓋映明窗夜深時有奇光照此事經今逾一載我來未  
覺朱柯改蘭詞要語寫不盡嘖嘖流傳及樵採我聞赤松曾

取赤石脂赤脂入地因成芝不然茅君煉丹壞丹竈精英千  
載凝於斯甘泉宮函德殿休祥自爲

盛世生芝房之歌何足羨伊祁元蕭靜之神仙遇合偶然耳  
深谷高山誰療飢人生顏色豈長好外耀精神中已槁但能  
把耒長逐東園公紛紛安問科名草

疊游上真觀韻寄蔣道士

一夜新霜報晚秋幾林紅葉映峯頭著書擬向元亭質攜屐  
曾從丈室畱服餌君同朱孺子詩篇我媿白江州蘇門可許  
孫登佳好寫煙雲抵臥游

包山寺聯句

包山湖西偏寺古僧衆瞻優曇分七葉洪禪古高處彌勒占

土壤青黑交懷玉枝官赤黃染杉腹屋迺容禮吉石服泉可  
覘危同葉辭林懷玉幽駭石下窆蟲寒依樹叩禮吉禽驚見  
人閃迎門瘦僧佇懷玉入戶狂屨斂屈曲精舍通禮吉周遭  
傑閣塹山疑覆孟盍懷玉嶂訝列屏玷物產果羸榮禮吉土  
性菽粟厭風淳靖攘竊懷玉歲樂泯豐歉臻昔服食勤禮吉  
媿彼禮俗僭民饒絕土丐懷玉秋盡少官欠茲來富滌場禮  
吉將子共操槩攬勝願方愜懷玉陳詩敢辭阨天高入縹緲  
禮吉區具明漱絕惟茲敷土方懷玉安此下民墊龍荒夢誠  
誰禮吉愴勝語有驗一舸少伯志懷玉十笏維摩念但勤秣  
田耜禮吉肯按蒲團劔連牀暫并合懷玉闕韻競啗噉荒雞  
促寒漏禮吉殘燭耿無爛懷玉

夜宿包山寺

朝揚胥口帆夕繫包山舟餘暉下平野暝色屯高邱沿緣境  
屢互躑躅途仍修莊嚴出紺園迎候勞緇流豈無蔬筍歡但  
覺主客投孤雲積虛榻嵐氣生寒幃捫碑紀唐歲刻燭廢吳  
謳幽期協疇昔清節成淹留人生易衰弱及此筋力邁

林屋洞

湖寬地肺通土裂山腹厚初猶龕可容漸覺釜低覆蛇行辭  
杖策蟻伏嫌襟袖驚霆左右轉駭石首尾鬬陰陽異旱潦明  
闇雜昏黳撲炬起蟄禽夙跡闕陰罽金庭企靈威石函虛篆  
籀始疑造化洩轉忤心志陋奇游倘可續敢惜疲軀復

石公山

靈峯不著地十里無頑壤斗然石公山倒勢入滉漾隨波與  
低昂拱笏成俯仰鑿疑自五丁落或垂千丈冥行永巷遂瞥  
見重屋敞雲歸墜微濕日過透虛晃井蛙仰可窺穴狄怯難  
上迴盤或崩墜陟降屢惝恍夕陽動征帆漁歌遞清響

登莫釐峯頂

晨風湖上來吹雨過林麓孤筇上崇岡長嘯振虛谷乾坤渺  
一身吳越送雙目水雲明晦異原渚高下複聲稀禽雀喧氣  
盛魚龍族歷歷吳興帆依依陽羨木登高後重九涉勝悔不  
孤石母追晝游莫釐企前躅何當浣緇塵山椒結茅屋

翠峯寺

蓑衣人深翠攜屐尋空山陂陀歷微逕款曲叩松關煙舍倚

林白霜媚楓葉丹水木兩明瑟心跡成清閑圖疑富春列人  
似山陰還持將素秋色娛此游子顏但能安耕鑿庶復知闕  
闕恣幽物無競引分福未慳卽此子真谷敢謝嚴陵灘

胥口伍行人祠

夜烏啼罷冷宮梧祠墓千秋尙枕湖蹤跡已開游俠傳山川  
空負霸王圖入秦七日偏存楚報越三年竟覆吳猶有未忘  
恩怨在怒潮如雪動寒蘆

金塗塔瓦歌

并序

吳越錢氏盛時世崇竺乾之教嘗於宮中冶銅爲瓦繪  
梵夾故事塗之以金合以成塔納土後流失不可多覩  
宋姜夔堯章得如來捨身相者周璞晉仙賦詩紀之康

熙中檣李周質見作放下屠刀立地成佛相者朱檢討  
彝尊紀其事然皆一版友人莊斡向於台州錢氏獲見  
全塔塔凡四版則諸君所未及覩也頃毛子孝純亦購  
一版以示所繪與晉仙詩畧合以周尺度之長四寸二  
分上狹下廣廣三寸五分弱背鑄吳越國王錢宏俶敬  
造八萬四千寶塔乙卯歲記十九字下又一人字蓋常  
時編次之目不同也按乙卯爲周世宗顯德二年是歲  
五月詔寺院非勅額者悉廢之檢杭州寺院存者凡四  
百八十塔卽是年所造史稱王信釋氏先後造寺無算  
蓋較之諸王爲尤甚然則此塔之造成於忠懿而晉仙  
所賦檢討所載皆以武肅概之殊未得其實爾



如來身本從稗販英雄豈學儒生算山臺野邑徧西湖總是  
錢王舊時建問道錢王願力深相輪鑄就更塗金護持幾見  
慈雲覆流落空教劫火侵吳門毛生真好事汲古功還埒清  
閨手攜一版出座中模餠銅綠依稀字憶昔偏安十四州錦  
衣駟馬說婆留稱戈肯聽羅昭諫交臂甘爲孫仲謀妙諦由  
來稱忍辱雄心朕逐中原鹿山川錦繡市魚鹽方見華嚴眞  
面目居然社稷百年基父老江東感息慈已向石幢銘寶月  
又聞紫閣產靈芝文孫雅守傳家鉢手奉銅容當宗祏內史  
工書貝葉經侍臣爭捨維摩宅早識眞人天命歸可憐九國  
半瘡痍但能納土全民目便是屠刀放下時逍遙晚節航書  
史手把袈裟遺愛子久向前因悟去來故令同日成生死沙

門一例視朱門奕葉貂蟬到子孫流水侶聞天上怨形縮終  
感夢中恩從此滄桑幾歲腸故鄉口地東西踏秋草誰尋賢  
相里夕陽莫問黃妃塔玉冊金章總惘然三樓迴首渺雲煙  
君看錢笏河山誓猶是乾寧舊紀年

子戾

姪學彭

校字

亦有生齋集詩卷第四

亦有生齋集詩卷第五

武進 趙懷玉 億孫

古今體詩

昭陽大荒落下

至日雪

微陽一綫生於子  
襖被空山夢無始  
滕六夜半傳帝旨  
特許清光續短晷  
披衣出戶倒納屣  
侵曉衝寒踏瑤屐  
松枝蕉葉腫如指  
萬壑千巖絕涯涘  
太虛一氣亘千里  
白日倒行湖水底  
斧斤難繫混沌死  
萬象沈埋不敢起  
此時關河苦行李  
況如邊方動弧矢  
紅樓翠幄何足齒  
茅屋紙牕良有以  
聚星之名亦幸耳  
雪車冰柱空累紙  
大呼欲狂輾然喜  
一舉十觴不

知止臨窗炙硯筆試舐笑請天帝臣不揣玉樓之賦臣敢擬  
帝曰狂哉姑徐俟書雲紀瑞有太史

將別穹窿山居五首

造物易傷惠維予獨不私幽期虛十載小隱只三時榮落成  
寒暑浮沉媿友師平生耽靜寄蹤跡每差池

雪後山容歛星回歲紀終荃蘭思楚佩蟋蟀感唐風養拙餐  
嫌素論才鄙正豐草堂春酒熟好憫倚閭哀

亦知隨分足息影便吾巢雞黍娛賓具縑緇久病拋閑中增  
舊憶方外得新交此地先畱圃何年穩結茅

因依憐穉弟五月對牀銓風雨填簷意冰霜天地心陸機分  
解舍趙昱閬園林但共修途策無勞空谷音

珍重瀕行意荒齋更補蘿

余所居名蘿咲軒

江湖誰得地泉石此成

窩卽境情非淺回頭誤已多殷勤蓮社約後會敢踈跼

### 山居雜詩

中夏日在井炎赫明曦輪翻然懷遠舉局促愁驚塵穹崇獨  
深窈乃在具區濱幽栖試云卜小住亦有因羣生各滋長吾  
意隨物欣卽此山水足況復詩書陳譬如久渴飢驟得飫八  
珍

鳴蟬噪高樹蟬止樹亦清急雨過遠山雨餘山更明軒窗無  
俗韻課誦有定程應候規卉木息機謝塵纓地高得氣早心  
遠覺暑輕不見堦前花未秋已滋榮

我愛山中雲素質異文彩無心或成出有族自可待几牀氣

常潤朝夕態屢改嘗聞二三月春空晨綏綏赤日寵其巔下  
不知爽塏川陵盡顛伏高下失所在道人謂余言卽此是雲  
海

翁子讀書處片石存其居峩峩顯忠寺曾亦兵燹餘忠旣悖  
名實書亦徒土苴達人薄青紫明德勤菑畚蹤跡偶憑託流  
傳任毀譽千秋與一世得失夫何如

余少苦羸弱養生鮮長計造物予之疾隨秋有成例風霜巧  
損鑠藥石賴調劑寂寞幽澗松蹉跎小山桂已驚體貌易矧  
感日月逝何當焚餘書守驗參同契

秋風日夜起樹草綠以黃紅花黯餘色黃雪霏殘芳寒聲落  
虛牖暮景闕虛堂出山未改月榮落判時光簷前雙芭蕉呬

夜聲抑揚哀蜚鳴唧唧似爲攪客腸酌飲有尊缶曳妻有衣裳念此易遲暮感彼風人章

涼風披素幃皓月輝清秋華星當樹小明漢近戶流空山萬籟寂獨夜來遙憂憂心何能已不自知所由傍徨徹永夕衆方謂何求

谷蘭熏自煎山木材自冠況無珠玉姿眇眇期邂逅方其始榮華不知終錯繆一失難復償雖悔亦已後翩翩者威鳳迴翔擇高梧餓鴟得腐鼠嚇然笑爲迂夷惠各有志修悖原分途必求衆相亮此意毋乃愚

灼灼陵霜花馨香欲遺誰平生寡所懼二三素心期趺然足音至尊酒聊共持盤餐有真味談笑無浮詞盍簪良自憫焉

能愜餘思

餘思在何處蒼茫隔雲樹豈愁雲樹隔但保金石固先型不可作庶幾此中遇慎莫棄敝裘衣亦不如故

明暉無停晷流波無迴瀾大化尙行健寸心敢自安但徇逸居樂宜免異患千惜陰企運覽素食感伐檀丁年少樹立撫彫良疚慚豈無鄉曲譽得之不爲慚

感涕法雨泉始流僅濫觴一甌足茗薈千頃被稻粱品雖衆自矜功或遜此良氣清多味薄積厚斯流長造物各有施沾溉宜此方

元冥沍重陰歲序如覆掌蟄蟲懷蓋藏緒風革蕭爽雪岫歛不舒風泉寒更響彈琴希和聲挾策成獨往一陽但初回四



體已得養禽雀恃危巢孤兔狎深莽側目有虞獵全身昧羅網  
真人恒守故愚者患不廣明明巖畔月照心一何朗鬱鬱  
後凋松干霄肯摧枉

巖居六七月志慮蠲氛埃興來偶披卷吟倦恒啣杯環中趣  
亦得方外交無猜臭味苟同岑何必辭異苔情深理成障性  
足物自推悠悠戶庭間時覺羲皇來盟心願息壤矯枉笑鑿  
坏

關逢敦牂

題呂秀才

星垣

詩後

風騷久沈歇衆艷紛蔽目不知紉蘭茝競思冶容服矯枉流  
於偏蠲靡失之樸呂生最後出高才挺葑蜀謂余曠世知快

授一卷讀春雲發空彩秋卉散幽馥鏤聲造化泣窮迹鬼神  
伏相引張吾軍敢輸策高足豈惟文章幸兼爲桑梓福因君  
悲謝傳謂君舅錢茶山尙書墓草今已宿

汪生灼銅印歌并序

生新安人友人黃子景仁與之交客冬黃子歸以所鑄

撫古私印見贈且索予詩因賦長詞以報

皇墳家莫史稱湮孔壁周冢衰誰陳漆光竹色無精神偶然  
掇拾謾諧文反以怪服嗤先民八體精意任屈信獨畱撫印  
存其真金相玉質推先秦劫灰半作咸陽塵西京章信先金  
銀君子之行亦所珍軍書旁午資鏐鉞朝拜封爵皆陶甄衛  
侯青耿侯壽昌手澤親流傳好事摩挲頻方寸直抵錢千緡

會稽王冕意創新燈明花乳何瑠璚  
豁然一變誰還淳新安汪生雅好古  
手訂六書通訓詁胸藏爐鑪手作斧  
當其在鎔心獨苦萬物無由奪其主  
失之則毀得則取豪髮但欲存并萬  
故人黃童返江潯貽我雙印纏以組  
惟名與字土數五螭匾之書窮石鼓  
置身迺與秦漢伍天都迢迢隔風雨  
愛而不見情孰吐作詩報生生勿阻  
百城聞擁圖書府他日相逢宜質廡

爲錢孝廉

維喬

題哲兄文敏公

維城

畫卷

尙書天人流鳴盛和笙鏞餘事及六灋  
苦詣追南宗目無元四家官學王司農

謂麓臺

雲煙不在眼邱壑蟠其胸西清多暇

日北苑空前蹤

至尊歎奇絕佳手驚未逢當其下筆時寸縑逾寸琮尚書意  
不滿小甄其何庸殊方偶小螽蠻觸爭戈鋒

詔謂尚書行單騎清傳烽浹旬傳露布逾月爭輸賓裴公下  
淮蔡馬卿定笮印臨機獨游刃尊俎有折衝歸來侍承明珥  
筆仍雍雍蠻煙與瘴雨一一揮奇峯萬里縮咫尺雙管隨衡  
縱公名若威鳳公技猶神龍聞喪遽匍匐示疾耽疎慵于時  
識風采骨立千尋松高軒一握手片語如醇醲鴉音忽集舍  
馬鬣悲新封讖成孤蛺蝶夢斷三芙蓉

公題畫  
詩中語

此圖作丙戌

傑直

恩方濃淋漓足元氣蕭瑟含秋容持將贈弱弟想見墳篋離  
余交孝廉久昕夕鎮過從緬茲典型在況以世好重三絕古

所羨二難今獨鍾撫圖增昔感得句無歡悰安能從君乞并  
翦分吳淞

度石屋嶺至水樂洞作

臨安夙佳麗春游散城郭我來厭煩喧所寄在邱壑青移新  
柳色紅破天桃萼捨舟遵陸隄策騎經圻壑窈然石屋嶺中  
開一何廓頗疑天地設轉惜渾沌鑿几榻蔓藤蘿莊嚴妙瓔  
珞空懷蓬蒿志而讓煙雲託得勝恒小畱貪奇思屢索言投  
水樂洞漸覺水聲杳深翠落蕉衫清泉引芒屨幽咽響箏琶  
琮琤振鈴鐸宮商靜能辨緩疾間還作名追鄭公錫功賴平  
章淪舊跡感再興茲行遂初樂搖鞭指前岡斜陽馬頭落  
夜過來爽閣聞清遠道人彈琴

春陰閬山館夜闌一燈青道人撫玉軫十指何泠泠林花辭  
故枝沙鴈翔迴汀牽蘿咲山鬼鼓楫疑湘靈耳清塵籟寂心  
止澄淵渟道人忽不樂斂手聲徐停爲言我生初家習琴師  
經人間事易遷絃上誰惺惺絲桐半棄擲樊路傷凋零希聲  
革箏邈上座居優伶悵湮塞心耳意倦難爲聽聞言增太息  
感子存典刑一琴已如此問誰實使令煩君續清散庶振聾  
噴醒餘音不成曲簷際搖風鈴

春日鮑秀才

廷博

招同人讌集西湖

吹花擘柳幾番風暇日還欣載酒同十里湖山比西子一船  
書畫近南宮論交都在鹹酸外弔古偏宜寂寞中

是日尋張  
蒼水墓

幸有寫圖奚處士不教此會跡成空

錢唐奚岡  
作紀游卷

張蒼水墓道行

炎精忽失朱明光降幡一夜出建康  
長江天塹那可倚十萬士馬趨錢塘  
已見銅駝埋地腹還留玉葉支天潢  
孤臣輾轉履險阻軍旅制誥兼動勳  
豪帥真成閫外主寓公只作舟中王  
隔江遙灑誓師淚烽火直達鍾陵旁  
飛書草檄望風下江南江北輪壺漿  
三州四郡二十縣居然半壁恢巖疆  
子玉兵驕心不顧長城一旦隳隄防  
隻身千里手足繭路人爭識睢陽張  
信國樓頭天漠漠田橫島畔雲蒼蒼  
雙猿頗解候動靜三子已分隨存亡

故參軍羅子木侍者楊冠玉及舟子一人從死

懸輿蓋爲故鄉計

黃冠忽受緇衣戕不言時還坐終日有句亦復投奚囊似聞  
誼士拾殘骨一抔長拚南屏荒曾無碑碣表姓氏那有松栢

疑風霜

聖朝寬大過前代周顧殷義庸何傷胡居此墳獨泯沒守土  
不復知其詳歌罷還思暨陽事三公亦共侵顏行

國家一例予褒卹彪炳史冊崇祠堂

吳山

吳山誰絕勝第一大觀臺城郭東西抱江湖襟帶迴酒旗  
客慣村曲賽神催贏得嬉春伴傾城日日來

何必西湖好探幽此亦宜靈泉聲不住瑞石影偏奇地暖逢  
花蚤山高落日遲欲尋丁野鶴塵閣罨蛛絲

廬杭口號三首

勾畱幾日便思家游思嗟情兩未賒一事補償畱記取半山



山下看桃花

湖山賓主本無猜，冠蓋相望日幾回。  
聞說長官耽射圃，當關莫報故人來。

射罷金錢笑把卮，獸肥鴛老草深時。  
行春自有笙歌樂，試問桑麻恐未知。

奉題外王父葉公

士寬遺像四十韻

國史循良傳如公，合符標清名。  
唐蔣沆儒行晉徐苗，敦歷勤三事恩施逮。

兩朝修齊先相闕，謳祝洽芻蕘。  
早擅縹緗富常嫌，青紫驕器爭誇。  
夏璉文比奏虞韶，春信稽桃李。  
秋空薦鷄鵬，上堂誰作慰。捧檄豈云聊，徽省人方待。  
花封衆已邀，澤連汾水闊。雲接

太行迢士有神明頌民無外內徭稅科蠲列戶軍實數聯驢

奏最三年事廬歡兩湖咄明湖真作鑑澍雨總隨輶豈有盤

珠戀爭傳升米謠

公守紹興日民歌曰珍珠美玉家家有難得仁慈葉太守又公斷獄明敏民有不待

一升米

行春捐桂館當暑罷蘭橈職擢旬宣佐風行郡縣僚

發倉迫汲黯折獄本咎繇每惜蒼生命頻憂澤國潮桑經援

舊註賈榮創新條九郡無宵警三農樂歲饒感恩思駐節讀

禮還歸躬丙舍勤營植丁田是蓁穠只忻初服遂轉覺宦情

消種樹皆連理程材盡擢翹鯉庭紛暉軸馬帳卻筆簫月旦

評原貴林泉政亦超方期樂棣萼何意翦蘭苕閭里思同切

湖山澤未遙余時方穉齒公喜顧垂髫養正從蒙始修儀戒

俗澆

公每教懷玉目揖讓之節

隙光莫忽忽墓樹已蕭蕭自媿樗多散壑

憐桐半焦遺容猶在望哀些竟難招身世原辛苦須眉易頽  
顛皮書畱傑閣延客闕虛察明德看綿後清門賴守祧但能  
思水木自可致雲霄旅舍喧春雨寒鐙耿短宵羊曇無限淚  
和墨寫生綃

客有奉麻姑像者齋前白蓮半作紅色或謂是麻姑之神  
也戲作此

麻姑散髮來碧空虛堂月暗吹靈風瑤池攜得生芙蓉噓氣  
卻分離坎宮向曉亭亭一枝立露啼煙笑濛濛濕天然朱粉  
去雕飾擘處分明爪痕蝕莖纖葉弱力不勝揚光三日亡其  
精花魂重向瑤池升塵中方謂神仙能燭龍夜聞關不止麻  
姑狡獪何能爾五行爲母萬物子火旺水衰良有以紛紛夏

蟲且休矣

丹徒

風橫難抽十幅蒲舟行三日到丹徒濤聲入夜疑侵枕岸勢如山盡長蘆地爲隣江賤蝦菜官因久旱禁屠沽何當買得南徐酒一向秋原酌寄奴

七月十四日夜京口對月

入秋毒熱苦未減況復束體投孤篷今宵乍得泊江渚披襟獨受涼颼衝蒼山如煙散波面皓月作勢升雲中白氣空涵一天地金光碎迸千虬龍老僧臨江口持咒倚佛自說無邊功楊枝露潤鬼界黑菡萏燈逐禱頭紅風流千古此淘盡直欲粒米招羣雄騎鯨太白去不返抱月思躡仙人蹤茲行日

遇石尤惡塔上鈴語仍顛風三更露重入篷底夢醒正打金焦鐘

黃侍中祠

無復秦淮舊好春侍中祠下獨沾巾科名絕勝商宏載福慧  
休誇解大紳巾幘有心同匪石粉榆遺愛尙羣癩昔公邑人鳩工葺祠  
行人欲問金川事落日秋風滿水濱

閩中聞雨口號

三條蠟炬與心灰切切莖聲入夜哀莫道宰官身便貴衆生  
卽此是輪迴

十日泥塗未肯晴風簷又作斷腸聲天公畢竟非無意遣悟  
人間軒冕情

明故宮遺址

萬戶千門匹馬過勝朝終始此山河再傳骨肉紛紛變未造  
君臣艸艸多誰向金縢參信史祇從玉樹聽遺歌龍蟠虎踞  
分明在守險貽謀竟若何

明孝陵三十韻

豐沛歌風後真人淮泗興發祥仍季子托迹本孤僧獨正君  
臣統竄資尺寸憑中原先得鹿宿將總揚鷹次第平侯甸艱  
難致弼丞勝朝猶盡禮耆宿看同陞士氣爭摩厲民情肯惻  
矜卜基惟守險立灋厭模稜遠較疲庸主崇宜百萬層所悲  
高鳥盡未免大絃掬幾釀詩書禍深虞謗誹騰好生空有德  
嗜殺一偏能椒掖言多造桐珪歟已乘前星原早隕半月竟

難恒文景功垂就方黃力未勝刼灰颺玉毀雷雨失金縢宮  
府南都備衣冠月朔登淒涼商亳邑蕭颯漢長陵後主賢難  
象前車鑒莫懲忍航眠厝火不悟履堅冰殘局江山破餘悲  
樵牧增銅駝埋宿草石馬絡寒藤北極朝終改東樓澤尙承  
寵題

奎藻煥遺蹟鼎湖升塚戶嚴薪採祠官肅載胥馬雷三尺鼠  
魚聞萬年燈一任傳疑似或云陵在朝天宮下伊誰敢輾轅齊梁風不  
競唐宋治同僞悵我經過數長時漂泊仍通天慚奏表日莫  
客愁凝

九日遊上真觀還憩羅笑軒

空山秋無人破曉嵐氣積未攜千頭鞠且蠟一輛屐崇觀禮

元真幽軒探舊蹟樹疑逢故友屋似待歸客关非簪紱流亦  
與煙蘿隔日出峯露青湖寬浪浮白因瞻具區平轉念淮壘  
厄波濤壞城郭鴻鴈失居宅久乖少伯願空慕賈讓策世雖  
有福地卽此已樂國持語印山僧相視笑莫逆

喜報

喜報青齊賊已平牙旗指處不知兵風行荏澤草終偃火到  
崑岡石敢爭籌筆竟煩周尙父枕戈想見魯諸生有訓導率  
諸生殺賊

聖主情

旃蒙協洽

悼亡十首

并序



潘黃門悼亡詩云往苒冬春謝寒暑忽流易世說亦云  
孫子荆除婦服作詩以示王武子蓋詩必作於終制之  
後雖晉人風教已衰猶能恪守斯意也余有妻之喪卒  
哭以來忽又改月拉雜哀衷有不能已於言者爲歌爲  
哭知者鑒之

余生在弱冠結髮爲昏年桐溪一擢泝桂館雙星圓我賡定  
情什人誦宜家篇執手誓偕老盟心兩不愆歸來拜堂上宛  
轉隨鄰前幃房況多暇伉儷常相憐間爲旬日別已若星霜  
遷豈期久易睽動隔山與川離別猶可合幽明那得完生旣  
遠形影死益摧心肝

吾父昔宦游吾亦苦行李有弟未授室終鮮妹與姊所依惟

婦姑相視若母子自纏膏肓孽長恐旦夕死爾死吾益單孑  
然侍庭祀高年矧多疾長戚忍無已逢節多慘顏追談每酸  
齒欲慰先自悲強言那成喜憂心紛然來中夜四一起

束髮卽束介舉首不肯低手刪干祿字足絕希榮梯屢成蹤

跡迂遂使面目冀同心寡四海知已在中閨甘爲樂羊婦恥

作齊人妻余昨放秣陵君已病桐溪經思千佛選亡嬖病中猶令人覓

江南登科錄日恐五色迷自安祐本薄但負子所期況求人間樂

徒使地下知傷哉歿齋奠何似生蒿藜

迢迢桐花溪遠接夫容湖之子既有行遠母與弟居豈期關

定命仍復終故廬我當租璫後子已綿嘏餘形消見骨立淚

濫知眼枯上言負吾親下言良負吾聞言徒哽噎入室翻愁

起深情謝親懿衆術窮醫巫誠知百無益庶幾竭區區

區區何足云所悲幼與老有殯不歸室招魂在遠道哀禽鳴  
白楊北風送丹旌雨雪何霏霏津河何浩浩一心旣乖離庶  
集共枯槁所知多弔臨相送紛素縞旁觀哀易衰同病愁如  
擣皆同人中多悼亡者

送子亦已返悵我何所之秋蟬忽斷翼歸鳥乍失枝出愁入  
愈憫物是人則非鏡奩忍重啟枕簟將安施賓客亦慙慰詩  
書益久怡閒情增舊憶澹語成深悲短日況易匿永夜尤難  
支夢寐偶一見顏色猶病時問爲平生歡無復旣死疑遽然  
忽自悟涕泗交流頤

乳乳盡黃口失母但依父況無嵇氏男但有左家女男爲父

所蓄女寶母所煦從茲待成立不知幾循拊嫁當在北隣壻  
必求佳侶憶君初來歸康強無疾楚相期綿似續永共奉宗  
祖夢鶴忽頻徵國香竟無主九年世遽辭一子天靳子親旣  
鞠我勤忍貽鞠孫苦啾啾衆乳燕墮巢未成羽養之使能飛  
漂搖慎風雨

素無兒女念忽學保嬰術素無壺鹽志亦問治生訣志念屢  
成乖舉措若有失敢同夷甫矯未免鮑宣拙過禮雖有譏街  
哀那能輟春陽木乘旺肝鬲氣如結古稱明可喪吾患聰盡  
窒近日雨憂同年歲增事感今舊別薤歌作春辭椒盤更奠  
酸刺目百不堪出門一抒鬱聖賢固人情彼哉仙與佛

朝出城北門寂寥少人行林柯有生意禽鳥變新聲顧瞻先

世墓松栢何青青其旁築丙舍暫以安子靈改月一省視撫  
衷獨怔營未能卽同穴先爲卜佳城但求骸骨安焉冀祿利  
榮昔居重幃中猶易致怯驚今居荒廬內能不傷伶仃賴有  
周親在世父似山先生伯母陳並厓先侍讀丙舍當護新鬼宜長揖辭子去不覺  
淚已傾

古人重齊體旣死義迺訖屏樂去瑟琴辭官謝簪紱今也殊  
不然厚薄異存歿昔投漆與膠今斷蘿與葛朝廷靈巫降暮  
間蹇修謁遺殯猶在堂新人已居室物情貴相稱世報抑何  
忍世雖驟難挽吾則敢不獲一身捐故劍萬里非稠桑生前  
旣落落此後尤茫茫伸情遵禮制述行惟文章縱能書累紙  
未得釋寸腸念此彌自歎念此彌增傷

客冬舟覆秀溪幾不得免追憶其事感而成詩

驚魂重憶秀溪東曾遇危濤壓短篷  
鼯鼠飲來增腹疾鰥魚觸處感頭風  
此身總在浮休裏小劫偷過渾沌中  
贏得吾家添故事冰銜重署水晶宮

方大

薰

爲程三

世銓

寫謝康樂詩意索題

東坡寫竹如寫字河陽畫石如畫雲傳神況入憶之手披圖  
一再如逢君君今年少盛意氣何必此中參位置珠輝玉潤  
吾不如漱石枕流吾所事還君之圖寄君詩春來驛使何遲  
遲窗前梅花已如此吾家山隔二百里

欲往鄧尉山不果

未登元墓巔且泊胥江渚八年願空抱信宿跡還阻寒芳正

及時采之寡儔侶羨彼山中客萬樹梅爲伍明發浙西船孤  
篷急春雨

郭布衣

鳳

以柿葉寫詩寄贈依韻畲之

人言郭處士苦詠每侵宵柿葉同牋擘松枝當燭燒不因舊  
雨別便逐歲寒凋想像題詩日殷勤北望遙

還家

出門亦動思歸意其奈還家轉惘然問母無人安莫報呼翁  
有女穉堪憐如眉柳濕經旬雨點額梅寒隔歲煙剛趁未曾  
過社祭一尊親醕殯宮前

題徐戶部

大楷

集後

沙場馬革忍重論檢點麻衣舊淚痕早晚三巴傳露布好將

家祭告忠魂

君尊人宰蜀中死木果營之難

城北徐公岸北居相逢同是感秋徒不堪已作朝飛雉更聽啼殘返哺烏

溫銅刀歌

并序

漆其鞞以銅飾之銅其莖以銀鏤之莖得周尺七寸六分弱身長三其莖而微不逮焉冬月握莖不寒故名溫銅傳爲明戎政尙書陸公完學遺物思陵賜也許大令元基購而藏之疾篤贈蔣子騏昌屬詞以紀事

崇禎末年重木兵兵柄一失隳長城通州之軍鉅鹿戰功罪摠任鄉人評鄉人前有尙書陸曾在東林稱健足寶刀特賜出尙方簡昇懸知帝心屬可憐國事難獨籌七年戎政煩諮



諫勲名未立身已殉一揮空白英雄頭此身幸免滄桑遇此  
刀流傳凡幾處遙遙百四十餘年出匣人驚電光露鉞爲鋒  
鏑柄則銅壯土之氣分離宮歲寒不易君子節熱血貫注精  
靈通三軍挾纘片言重此意要推與人共不然刀貴曷足珍  
一將蒙溫萬夫凍蔣侯意氣旁無人酒酣出示當筵賓簾前  
風雪一起舞十指忽覺生陽春邦之文獻汝南許生死不忘  
久要語溫厚還思脫贈心莫教利器輪虞詡君不見操刀能  
判猶恐傷雖經百鍊宜存鋼爲祥爲覽慎所矢公侯之後復  
其始

寄袁丈

枚

當代論風雅如公尙典刑奇童工抱槩弱冠已登廷職預清

華選官嫺廉謹銘芸香留舊署莎綠滿閑廳奔驥方舒足冥  
鴻已倦翎一官輕組紱卅載佳巖洞衆羨頭仍黑吾憐眼獨  
青推袁歸藻鑑說項絕畦町誼豈今流輩交眞天使令數行  
書宵寄三世事重聆憶昨曾投刺相延爲展屏秋瞻南極現  
花向北堂馨法曲迴飛雪華燈燦列星容秋過隨園爲張鑑之會杯傾千  
日醕饌設五侯鯖身繫蒼生望居耽塵事冥晤當開苑桂別  
屢數階樊齊魯驚羣盜淮黃合巨溟禱煩沉璧馬師快掣風  
霆易奏瓠宮績誰潛桂澤形詩應添史筆頌已洽

皇靈改歲方周甲瞻顏喜復丁延暉奉韋幔著綵戲萊庭虎  
阜藏深寺龍山峙憩亭二分還論月千里任揚舲老去偏多  
戀狂來只在醒玉虛投磊砢珠許買娉婷空問楊雄字誰傳

劉向經千秋原自待三徑但長局嗟我憂仍集窮居涕欲零  
望廬徒悵恍繞膝各矜坼似雉朝誰侶如魚夜不暝霜稜欺  
角枕燭影晃虛櫺衰疾憐慈母蹉跎媿壯齡年荒艱桂玉藥  
貴負參苓雲漢歌無雨春秋紀有螟蟲誰昇炎火水自漲遙  
汀天地猶畱憾江湖孰最宜爲愁當暑暘轉憶傍清冷宅繞  
千章樹池浮幾點萍小園宜賦詠過客可淹停望遠江難涉  
懷人日易暝身同旋磨蟻物感入林螢大雅期承蓋修途效  
展軫不辭危苦調一冀丈人聽

輓楊司訓

聚奎

十年彈鋏住長安八口纔依苜蓿盤數短未容轡大藥能多  
竟使限微官青氈長物遺孤在丹旄空江歸計難雪涕轉思

多病我此身已作更生看

君善醫術戊子病都下  
辛卯病省門皆所療治

題文信國書爲錢塘鮑文學

廷博

并序

書凡三百四十七字前幅已缺文載清河書畫舫向在  
李中丞鹿山處今歸於鮑後有一峯跋語謂是空坑敗  
後所寄一峯不知姓氏小印署冰蘖二字殆亦宋遺民  
也王光祿鳴盛以書中入汀一語疑之辨其非空坑作  
其他跋語頗多皆近人故不及焉

半閒堂築西湖幽法書名畫傾公侯木棉菴中攜不得化作  
劫燼無人收當時豈索信公書至今尺紙逾天球鮑生家亦  
片湖濱物不貴異惟其人牙籤錦暉幾千軸得此謂可空其  
羣寥寥三百卅七字空坑敗後從容寄幅殘似恥瓦欲全色

澹還思淚深漬已教八口墮虎穴忍令孤城怯螳臂間關久  
置成敗算頰仰尙兼家國計臨危示凜先示信檢點殘軍收  
劄印人亡縱失將伯助天意不教以疾困公書云在瑞金一病甚可憂可  
憐覆巢難復全生兒夭折女棄捐魂從朱鳥返天上心照青  
簡傳人間傳疑傳似任史臣黃冠故里恐非真況爲曲筆揜  
正氣大元革命邦維新浮蹤偶向閩海寄聚訟爭若鴻溝分  
如公可死死亦矯龍首黃扉致身早歿殊葛公節義傳生勝  
睢陽宰輔表後來豈少登科名豪華但學公平生讀書不識  
忠孝字翰墨亦稱稽古榮

送洪大

禮吉

之江崑

纔攜斗米歸堂上便挂征帆指石頭稍喜才名同說項未堪

生計尙依劉買山待結移家伴望歲誰深未雨謀知爾校餘

藜閣字

時君方爲太守修書

感時猶抱杞人憂

請水詞

井序

郡城東有白龍祠每旱太守率官吏往禱迎池中水歸  
間卽得雨謂之請水也

天陰黯黯雲蓬蓬樹頭吹盡東南風立秋半月到處暑五日

十日仍不雨有時屋角雷聲小雷聲未終日杲杲小兒入市

執柳行

常俗禱雨作柳龍行市中小兒執柳隨之

農夫坐隴嗟苗槁攜苗報縣求

勘災官賑未發徵先開朝聞呵殿門外過云是請水城東來

城東祠宇祀老龍焚香山積寶炬紅老龍善睡兩耳聾勺水

不敢貪天功官民束手兩無計蝗旱此邦亦神意昨日禁屠

今宰羊太守縣官賓在堂

水車謠

水車聲晝不止赤日烘人皮肉死水車聲夜不息官河日乾  
水一尺河乾難致百斛船柴米添價鹽添錢青籬官舫上流  
至一泊三日空延緣兩岸農夫不停手長鯨怒翻渴蜺走關  
南有雨關北晴聞蘇松得雨天意獨吝吾鄉久君不見東南饒富  
推淮揚去年河決今年蝗彼民悔不生此方水車雖勞何足  
傷

憶昔

憶昔童時遇歲屯不知生計劇難辛田園半自饒中戶桂玉  
初驚到老人豈意漸多庚癸慮翻教追羨丙丁春東南薄俗

天心厭此地由來尙較淳

頻婆果

北果隨秋到偏嗟去歲遲屢求虛渴病重薦已空帷酸味知  
同棗哀名合配梨牽衣環小女笑索尙全癡

八月初九日從郡人禱雨白龍菴紀事

去年愁田荒今年苦苗槁何當白露節復此秋陽杲閭里寡  
蓋藏官司祈暮蚤維此大夫士實爲邑之表忍瞻父母邦而  
有婦子殍哉穀雨龍祠珠宮復蘭僚城東已三瀆城北重申  
禱敢云恃誠格庶幾獲神保卽占雷雨盈快見雲漢掃辭終  
先自惕拊衷獨有標曾無肢體勤況值生計少藜糗已逾分  
梁肥敢恒飽淳風日近媮微力媿難矯作詩諭同志毋謂杞



憂小

初十日舟次橫林夜半聞風雨聲作

舟行不見水終日未離縣客櫓閒集鳥官河狹如綫太守策  
騎巡千艘令魚貫牽纜地親項扶船泥沒胛人倦易日曛夢  
迴剛夜半忽聞蓬背響徐喜雨聲戰旣期農力補復快旅程  
便呼童起燒燭披衣坐待旦掀篷雨已止晨曦射人面

夜過無錫懷楊秀才

芳燦

卻寄

月照梁溪清淺流遠燈初起片帆收經營力穡虛康歲辛苦  
懷人動暮愁鄉鄰擯應慚慚趙壹文章忌恐屬楊脩遲君無恙  
離頭藕約把霜整醉晚秋

山塘

雨歇遙天霽山塘此乍過俗奢農力短歲儉酒人多  
秋誰民牧傷秋動客哦夜船燈火外愁聽競笙歌

中秋吳門呈仲舅

微雨疎窗短燭明客中逢節倍心驚  
鄜州夜月歸塵夢遼海

秋風有哭聲書抵萬金南鴈少

通守見在黔

喪傳千里北船輕

廉超之客死於道

懸知同抱無窮感併入今宵細細生

浙水

浙水秋仍淺舟行道屢違漸聞米價長始覺估帆稀  
澤國猶

逢熟哀鴻止莫飛轉愁鄉信偏農食盡山薇

聞吾鄉已有以榆屑爲粥者

般若菴

在桐鄉城外

秋色引城南蒼茫過小巷雨聲隨葉減霜意向林酣  
游跡經

年判枯禪小乘諳貫休餅鉢在佛火冷東龕

寺僧蓮宗于今春示寂

### 九日登東塔

獨上浮圖頂秋高思渺然風前惟送雁檻外但橫天節物剛重九登臨又幾年阜陵龍去後深鎖寺樓煙

### 晚泛南湖

朝登東塔頂暮泛南湖濱南湖浪高秋風急欲渡愁殺挈舟人驕陽幾月連深秋我來愛登煙雨樓浮雲忽起西北角天爲九日成清遊村醪沽到更招客清遊未終日之夕蕭蕭落葉聲四來雨意遍從空際積波紋蹙損珠光亂櫂歌漸稀人亦散瘦煙如絲出遠屋野火疑星明隔岸此間澤國信可居菱塘能蒔谿能漁明年不逢稻梁熟釣鼈磯頭先卜築

看菊詞

西風作寒催冷香城中看菊日日忙東鄰北垞各爭勝  
賸召賓客羅壺觴千錢朶花殊不惜乞種直欲騎柴桑  
看花亦有積薪嘆後勁乃壓前茅強城中游人醉不止  
城外老農飢欲死舉杯願作告天啟菊爲黃金實爲米

閏十月十三夜

月色何曾照夜臺只畱孤影與徘徊羨它命薄黃楊樹  
猶及今年厄閏來

贈毛參

幾回金石重摩挲老去雕蟲習未磨舊事聽談王父上  
荒齋畱媿主人多江沈碧血風爭仰

參爲直隸先生後

巷冷烏衣客倦過

一語尊前還作慰尙能強飮似廉頗

子昶校字

姪學彭

校字

亦有生齋集詩卷第五